

唐
音
統
籤

戊籤二

唐音統籤卷

五百六十三

李商隱字義山懷州人開成二年擢進士第校書郎調弘農尉河陽王茂元桂管鄭亞徐州盧弘正歷表爲幕職後補太學博士仍辟東川柳仲郢節度判官府罷客榮陽卒初商隱弱冠時令狐楚奇其少俊深禮之令與諸子綯等遊登第亦綯爲獎薦而茂元與亞皆李德裕黨綯以商隱就其辟爲忘家恩憾之迫繼相屢干之不省竟坎壈以終商隱博學彊記善章奏儷偶繁縟長於律詩尤精咏史與溫庭筠段成式號三十六體自稱玉溪子詩

十卷

唐志詩三卷宋志集八卷內五卷為詩其樊

自序年十六著才論聖論後恣展古集咽處于任

范徐庾之間作文或時得好對切事聲勢物景哀

上得壯能感動人談苑商隱為文多檢閱書冊

左右鱗次號額祭魚晁公武曰宋景文文藝傳

序云詭怪則商隱蓋以集中賦與禰文也若詩自

清新纖絕石林葉氏曰商隱詩精密華麗錢文

僖與楊大年劉中山皆傾心師尊一時翕然從之

號西崑體楊公嘗云義山詩曲盡萬態之變精索

五言古詩

群言之要包蘊密緻味酌之而愈出學者窺其一

斑亦足滌腸換骨詩話王荆公晚年喜義山詩

尊之太過義山詩合處信有過人若其用事深僻

語工而意不及自是其短按商隱集中情詞居

半將無有疑探押然觀其自述有云風聞妙喻常

在道場至于南國妖姬叢臺妙妓雖有涉於篇什

寔不接於風流可使國人盡保展禽酒肆

無疑阮籍若使斯言不誣何足病其寫艷

宮中曲

雲母濾宮月夜夜白於水賺得羊車來低扇遮黃
子水精不覺冷自刻鴛鴦翅蠶綫茜香濃正朝纏
左臂已殘兩三幅滿寫承恩字欲得識青天昨夜
蒼龍是

漢薄太后夢龍據胃鄧后勿夢捫天
色青本兩事合用之寫宮妾望幸情

房中曲

薔薇泣幽素翠帶花錢小嬌郎癡若雲抱日西簾
曉枕是龍宮石割得秋波色玉簫失柔膚但見蒙
羅碧憶得前年春未語悲含辛歸來已不見錦瑟
長於人今日澗底松明日山頭葉愁到天地翻相

看不相識

春風

春風雖自好春物太昌昌
若教春有意唯遣一枝
芳我意殊春意先春已斷腸

效齊梁晴雲

緩逐煙波起如妬柳絲飄
故臨飛閣度欲入迴陂
銷繁歌憐畫扇敞景弄柔條
更耐天南位牛渚宿
殘宵

效徐陵體贈更衣

密帳真珠絡溫幃翡翠裝
楚腰知便寵宮眉正闌

強結帶懸梔子繡領刺鴛鴦輕寒衣省夜金斗熨
沉香

代越公房妓嘲徐公主

笑啼俱不敢幾欲是吞聲遽遣離琴怨都由半鏡
明應防啼與笑微露淺深情

代公主荅

芳條得意紅飄落忽西東分逐東風去風迴得故
叢明朝金井露始看憶春風

無題

幽人不倦賞秋暑貴招邀竹碧轉悵望池清尤寂

寥露花終裊濕風蝶強嬌
嬌此地如携手兼君不自聊

無題

八歲偷照鏡長眉已能畫
十歲去踏青芙蓉作裙衩
十二學彈箏銀甲不曾卸
十四藏六親懸知猶未嫁
十五泣春風背面一作鞦韆下只須如此便好

井泥四十韻

皇都依仁里西北有高齋
昨日主人氏治井堂西墜
工人三五輩輦出土與泥
到水不數尺積共庭樹齊
他日井甃畢用土益作堤
曲隨林掩映繚以

池周廻下去冥冥穴上承雨露滋寄辭別地脉因
言謝泉屏昇騰不自意疇昔忽已乖伊余掉行鞅
行行來自西一日下馬到此時芳草萋萋四百多好
樹旦暮雲霞姿晚落花滿地幽鳥鳴何枝蘿幄旣
已薦山樽亦可開待得孤月上如與佳人來因之
感物理惻愴平生懷茫茫此群品不定輪與蹄喜
得舜可禪不以瞽瞍疑禹竟待舜立其父吁咈哉
嬴氏并六合所來因不韋漢祖把左契自言一布
衣當途佩國璽本乃黃門携長戟亂中原何妨起
戎氏不獨帝王爾臣下亦如斯伊尹佐興王不藉

漢父資礪溪老釣叟坐爲周之師屠狗與販繒突
起定傾危長沙故封土豈是出程姬帝問主人翁
有自賣珠兒武昌昔男子老苦爲人妻蜀王有遺
魄今在林中啼淮南雞舐藥翻向雲中飛大釣運
群有難以一理推願於冥冥內爲問秉耒者誰我恐
更萬世此事愈云爲猛虎與雙翅更以角剛之鳳
凰不五色聯翼上雞栖我欲秉釣者竭來與我偕
浮雲不相顧寥泝誰爲梯悒快夜叅半但歌井中
泥嘗讀元微之古風各篇怪其講道理着魔不謂此趣士亦復爾爾

行次西郊作一百韻

蛇年建丑月我自梁還秦南下大散嶺北濟渭之
濱草木半舒坼不類冰霜晨又若夏苦熱焦卷無
芳津高田長槲櫨下田長荆榛農具棄道旁饑牛
死空墩依依過村落十室無一存存者背面啼無
衣可迎賓始若畏人問及門還具陳右輔田疇薄
斯民嘗苦貧伊昔稱樂土所賴牧伯仁官清若冰
玉吏善如六親生兒不遠征生女事四鄰濁酒盈
瓦缶爛穀堆荆困健兒庇旁婦衰翁舐童孫况自
貞觀後命官多儒臣例以賢牧伯徵入司陶鈞降
及開元中姦邪撓經綸晉公忌此事多錄遺將勲

因令猛毅輩雜牧昇平民中原遂多故除授非至
尊或出倖臣輩或由帝戚恩中原困屠解奴隸厭
肥豚皇子棄不乳椒房抱羗渾重賜竭中國強兵
臨北邊控弦二十萬長臂皆如猿臯都三千里來
往同鵬鳶五里一換馬十里一開筵指顧動白日
煖熱迴蒼旻公卿辱嘲叱唾棄如糞九大朝會萬
方天子正臨軒綵旂轉初旭玉座當祥煙金障旣
特設珠簾亦高褰捋須褰不顧坐在御榻前忤者
死跟履附之昇頂顛華侈遞衍豪俊相併吞因
失生惠養漸見徵求頻奚寇西北來揮霍如天翻

是時正忘戰重兵多在邊列城遶長河平明插旗
幡但聞虜騎入不見漢兵屯大婦抱兒哭小婦攀
車幡生小太平年不識夜閉門少壯盡點行疲老
守孤村生分作死誓揮淚連秋雲廷臣例塵怯諸
將如羸奔爲賊掃上陽捉人送潼關玉輦望南斗
未知何日旋誠知開關久遶此雲雷屯逆者問鼎
大存者要高官搶攘牙間諜孰辨梟與鸞千里無
返轡萬車無還轅城空雀鼠死人去豺狼喧南資
竭吳越西費失河源因令石藏庫摧毀惟空垣如
人當一身有左無右邊筋體半痿痺肘腋生臊膺

列聖蒙此耻含懷不能宣謀臣拱手立相戒無敢
先萬國困杼軸內庫無金錢健兒立霜雪腹歉衣
裳單饋餉無過時高估銅與鉛山東望河北爇煙
猶相聯朝廷不假給辛苦無半年行人推行資居
者稅屋椽中間遂作梗狼籍用戈鋌臨門送節制
以錫通天班破者以族滅存者尚遷延禮數異君
父羈縻如羗零直求輸赤城所望大體全巍巍政
事堂宰相厭八珍敢問下執事今誰掌其權瘡疽
幾十載不敢抉其根國蹙賦更重人稀役彌繁近
年牛醫兒城社更板緣盲目把大旆處此京西藩

樂禍忘怨敵樹黨多狂狷生爲人所憚歟非人所
憐快刀斷其頭列若猪牛懸鳳翔三百里兵馬如
黃巾夜半軍牒來屯兵萬五千鄉里駭供億老少
相扳牽兒孫生未孩棄之無慘顏不復議所適但
欲死山閒爾來又三歲甘澤不及春盜賊亭午起
問誰多窮民節使殺亭吏捕之恐無因咫尺不相
見旱久多黃塵官健腰佩弓自言爲官巡常恐值
荒迤此輩還射人媿客問本末願客無因循郿塢
抵陳倉此地忌黃昏我聽此言罷冤憤如相焚昔
聞舉一會群盜爲之奔又聞理與亂繫人不繫天

我願爲此事君前剖心肝叩額出鮮血滂沱污紫
宸九重黯已隔涕泗空沾唇使與作尚書廝養爲
將軍慎勿道此言此言未忍聞天寶事何可復道
未及開成事是近

事乃生
色耳

戲題樞言草閣三十二韻

君家在河北我家在山西百歲本無異陰陰仙李
枝尚書文與武戰罷幕府開君從渭南至我自仙
游來平昔苦南北勳成雲雨乖逮及兩携手對若
床下鞋夜歸碣石館朝上黃金臺我有苦寒調君
抱陽春才年顏各少壯髮綠齒尚齊我雖不能飲

君時醉如泥政靜籌畫簡退食多相携掃掠走馬
路整頓射雉翳春風二三月柳密鶯正啼清河在
門外上與浮雲齊欹冠調玉琴彈作松風哀又彈
明君怨一去怨不迴感激臥者立起視雁行低翻
憂龍山雪却襍胡沙飛仲容銅琵琶項直聲淒淒
上貼金捍撥畫爲承露雞君時臥棖觸勸客白玉
杯告云年光疾不飲將安歸我賞此言是因循未
能諧君言中聖人坐臥莫我違榆莢亂不整楊花
飛相隨上有白日照下有東風吹青樓有美人顏
色如玫瑰歌聲入青雲所痛無良媒少年苦不久

顧慕良歎哉徒令真珠脍裹入珊瑚腮君今且少
安聽我苦吟詩古詩何人作老大猶傷悲

戊辰會靖中出貽同志二十韻

大道諒無外會越自登真丹元子何索在已莫問
鄰舊臻玉林華翱翔九真君戲擲萬里火聊召六
甲旬璫簡被靈誥持符開七門金鈴攝群魔絳節
何飈飈吟弄東海若倚笑扶桑春三山誠迴視九
州揚一塵我本玄元胄稟華由上津中迷鬼道樂
沉爲下土民託質屬太陰鍊形復爲人誓將覆官
澤安此真與神龜山有慰薦南真爲彌綸玉管會

玄圃火棗承天姻科車遇故氣侍香傳靈芬飄飄
被青霓婀娜佩紫紋林洞何其微下僊不與群丹
泥因未控萬劫猶逡巡荆蕪旣以雉丹壑永無湮
相期保妙命騰景侍帝宸

驕兒詩

衰師我驕兒美秀乃無匹文葆未周晬固已知六
七四歲知姓名眼不識梨栗交朋頗窺觀謂是丹
穴物前朝尚羆貌流品方第一不然神仙姿不爾
燕鶴骨安得此相謂欲慰衰朽質青春妍和月朋
戲渾甥姪繞堂復穿林沸若金鼎溢門有長者來

造次請先出客前問所須含意不吐實歸來學客

面闕

闕也一作闕

敗秉命笏或謔張飛胡或笑鄧艾吃

豪鷹毛崩

化力反

劣

良直反

猛馬氣估僇

離直反

截得青

簀

干君反

當騎走恣唐突忽復學叅軍按聲喚蒼鶻

又復紗燈旁稽首禮夜佛仰鞭骨蛛網俯首飲花

蜜欲爭蛺蝶輕未謝柳絮疾階前途阿姊六甲頗

輸失疑走弄香奩拔脫金屈戌抱持多反側威怒

不可律曲躬牽窓網略唾拭琴漆有時看臨書挺

立不動滕古錦請裁衣玉軸亦欲乞請爺書春勝

春勝宜春日芭蕉斜卷幾辛夷低過筆爺昔好讀

書懇苦自著述頗頽欲四十無肉畏蚤虱兒慎勿
學爺讀書求甲乙穰苴司馬法張良黃石術便爲
帝王師不假更纖悉况今西與北羗戎正狂悖誅
赦兩未成將養如探疾兒當速成大病雖入虎窟
當爲萬戶侯勿守一經裘通篇俚而能雅曲盡兒
態惜結處迂纏不已反
不如玉川寄孫篇以一兩語諫送爲斬截耳蔡
寬夫云白樂天晚極喜李義山詩文嘗謂我死得
爲爾子足矣義山生子遂以白老字之旣長署無
文性溫庭筠嘗戲之云以爾爲樂天後身不亦忝
乎然義山有衰師我嬌兒美
秀乃無匹之譽豈另一兒耶

和鄭愚贈汝陽王孫家箏妓二十韻

冰霧怨何窮秦絲嬌未已寒空煙霞高白日一萬

里突兀得
筆理

碧嶂愁不行濃翠遙相倚茜袖捧瓊姿

皎日丹霞起孤猿耿幽寂西風吹白芷迴首蒼梧
深女蘿閉山鬼荒郊白鱗斷別浦晴霞委長鈎壓
河心白道連地尾秦人昔富貴綠窓聞妙旨鴻驚
雁背飛象牀殊故里因令五十絲中道分宮徵斗
粟配新聲娣姪徒纖指風流大堤上悵望白門裏
蠹粉實雌絃燈光冷如水羗管促蠻桂從醉吳宮
耳滿內不掃眉君王對西子初花慘朝露冷臂凄
愁髓一曲送連錢遠別長於歿玉砌銜紅蘭粧窓
結碧綺九門十二關清晨禁桃李

李肱所遺畫松詩書兩紙得四十韻

萬草已涼露開圖披古松青山徧滄海此樹生何
峰孤根邈無倚直立撐鴻濛端如君子身挺如壯
士胷膠枝勢夭矯忽欲蟠擎空又如驚螭走默與
奔雲逢孫枝擢細葉旖旎狐裘茸鄒顛蓀髮軟麗
姬眉黛濃視久眩目睛倏忽變輝容竦削正稠直
婀娜旋敷峯

爾雅考年
犁曳也

又如洞房冷翠被張穹窿

亦若暨蘿女平旦粧顏容細疑襲氣母猛若爭神
功燕雀固寂寂霧露常衝衝重蘭媿傷暮碧竹慙
空中可集呈瑞鳳堪藏行雨龍淮山桂偃蹇蜀郡

桑重童枝修亮杪脆靈氣何由同昔聞咸陽帝近
說嵇山儂或著佳人號或以未未封終南與青都
煙雨遙相通安知夜夜意不趣西南風美人昔清
興重之猶月鍾寶笥十八九香緹千萬重一旦鬼
瞰室稠疊張羅罌赤羽中要害是非皆忽忽生如
碧海月死踐霜郊蓬平生握中玩散失隨奴僮我
聞照妖鏡及與神劍鋒寓身會有地不爲凡物蒙
伊人秉茲圖顧盼擇所從而我何爲者開懷捧靈
蹤報以漆鳴琴懸之真珠櫳是時方暑夏座內若
嚴冬憶昔謝四騎學仙王陽東千株盡若此路入

瓊瑤宮口詠玄山

一作雲

歌手把金芙蓉濃蔭深靄

袖色映琅玕中悲哉墮世網去之若遺弓形魄天

壇上海日高曠曠終期紫鸞歸持寄扶桑翁終南與青

都二韻是得意語憶昔謝四騎五韻亦復波瀾除正患其多耳

卷終

戊籤二李商隱之二

唐音統籤卷

五百六十四

七言古詩

燒香曲

鈿雲蟠蟠互比魚孔雀翅尾蛟龍鬚漳宮舊樣博
山鑪楚嬌捧笑開芙蓉八蠶繭絲一作絲小分炷一作錦

獸燄微紅隔雲母白天月澤寒未冰金虎含秋向
東吐玉珮呵光銅照昏簾波日暮衝斜門西來欲
上茂陵樹栢梁已失栽桃魂露庭月井大紅氣輕
衫薄袖當君意蜀殿瓊人伴夜深金鑾不問殘燈
事何當巧吹君懷度襟灰爲土填清露

海上謠

桂水寒於江玉兔秋冷咽海底覓仙人香桃如瘦
骨紫鸞不肯舞滿翅蓬山雪借得龍堂寬曉出揲
雲髮劉郎舊香炷立見茂陵樹雲孫帖帖臥秋煙
上元細字如蠶眠

射魚曲

思牢弩箭磨青石繡額蠻渠三虎力尋潮背日俟
洄鱗貝闕夜移鯨失色纖纖粉簞馨香餌綠鴨迴
塘養龍水含冰漢語遠於天何由迴作金盤歟

李夫人三首

前二首
五言

一帶不結心兩股方安髻慙愧白茅人月沒教星
替

剝結茱萸枝多擘秋蓮的獨自有波光綵囊盛不
得

蠻絲繫條脫妍眼和香屑壽

一作守

宮不惜鑄南人

柔腸早被秋眸割清澄有餘幽素香鰥魚渴鳳真
珠房不知瘦骨類冰井更許夜簾通曉霜土花漠
碧雲茫茫黃河欲盡天蒼蒼

無愁果有愁曲北齊歌

東有青龍西白虎中含福星包世度玉壺渭水笑

清輝鑒天不到牢牛處麒麟踏雲天馬憚牛山撼
碎珊瑚聲秋娥點滴不成淚十二玉樓無故釘推
煙唾月拋千里十番紅桐一行死白楊別屋鬼迷
人空留暗記如蠶紙日暮向風牽短絲血疑血散
今誰是

景陽宮井雙桐

秋港菱花乾玉盤明月蝕血滲兩枯心情多去未
得徒經白門伴不見丹山客未待刻作人愁多有
魂魄誰將玉盤與不死翻相悞天更濶於江孫枝
覓郎主昔妬鄰宮槐道類雙眉歛今日繁紅櫻拋

人占長簾翠襦不禁綻留淚啼天眼寒灰劫盡問
方知石羊不去誰相絆

燕臺詩四首

風光冉冉東西陌幾日嬌魂尋不得蜜房羽客類
芳心冶葉倡條徧相識暖藹輝遲桃樹西高鬟立
共桃鬟齊雄龍雌鳳杳何許絮亂絲繁天亦迷醉
起微陽若初曙映簾夢斷聞殘語愁將鐵網罥珊
瑚海濶天翻迷處所衣帶無情有寬窄春烟自碧
秋霜白研丹擘石天不知願得天牢鑲冤魄夾羅
委篋單綃起香肌冷襯瑤瑁佩今日東風自不勝

化作幽光入西海

右春

前閣雨簾愁不卷後堂芳樹陰陰見石城景物類
黃泉夜半行郎空拓彈綾扇喚風闐闐天輕幃翠
幕波洄旋蜀魄寂寞有伴未幾夜瘴花開木繇桂
宮流影光難取嬌薰蘭破輕輕語直教銀漢墮懷
中未遣星妃鎮來去濁水清波何異源濟河水清
黃河渾安得薄霧起綳裙手接雲輶呼太君

右夏

月浪衡

一作衡

天天雨濕涼蟾落盡疎星入雲屏不

動掩孤嚶西樓一夜風箏急欲織相思花寄遠終
日相思却相怨但聞北斗聲迴環不見長河水清

淺金魚鎖斷紅桂春古時塵滿鴛鴦茵堪悲小苑
作長道玉樹未憐亡國人瑤琴悵悵藏楚弄越羅
冷薄金泥重簾鈎鸚鵡夜驚霜喚起南雲繞雲夢
雙瑤丁丁聯尺素內記湘川相識處歌唇一世衛
雨看可惜馨香手中故

右秋

天東日出天西下雌鳳孤飛女龍寡青溪白石不
相望堂中遠甚蒼梧野凍壁霜華交隱起芳根中
斷香心死浪乘畫舸憶蟾蜍月娥未必嬋娟子楚
管蠻絃愁一粟空城罷舞腰支在當時歡向掌中
銷桃葉桃根雙姊妹破鬟矮墮凌朝寒白玉燕釵

黃金蟬風車雨馬不持去蠟燭啼明怨天曙

右冬

河陽詩

黃龍搖溶天上來玉樓影近中天臺龍頭瀉酒客
壽盃主人淺笑紅玫瑰梓澤東來七十里長溝複
整埋雲子可惜秋眸一顰光漢陵走馬黃塵起南
浦老魚腥古涎真珠密字芙蓉篇湘中寄到夢不
到衰容自去拋涼天憶得鮫絲裁小卓蛺蝶飛迴
木縣薄綠綉笙囊不見人一口紅霞夜深嚼幽蘭
泣露新香歔畫圖淺縹松溪水楚絲微覺竹枝高
半曲新辭寫縣紙巴西夜市紅守宮後房點臂斑

斑紅堤南渴雁自飛久蘆花一夜吹西風曉簾串
斷蜻蜓翼羅屏但有空青色玉灣不釣三千年蓮
房暗被蛟龍惜濕銀注鏡井口平鸞釵映月寒鐸
鐸不知桂樹在何處仙人不下雙金莖百尺相風
挿重屋側近嬌紅伴柔綠百勞不識對月郎湘竹
千條爲一束

河內詩二首

鼙鼓沉沉虬水咽秦絲不上琴絃絕姮娥衣薄不
禁寒蟾蜍夜艷秋河月碧城冷落空濛煙簾輕幕
重金鉤欄靈香不下兩皇子夢星直上相風竿八

桂林邊九芝草短襟小鬢相逢道入門暗數一千

春願去閏年留月小梔子交加香蓼繁停辛佇苦

留待君

右一曲
樓上

聞門日下吳歌遠陂路綠菱香滿滿後溪晴起鯉

魚風船旗閃斷芙蓉餘傾身奉君畏身輕雙橈雙

槳樽酒清莫因風雨罷團扇此曲斷腸惟此聲低

樓小徑城南道猶自金鞍對芳草

右一曲
湖中

日高

鍍銀故錦縻輕袍

一作
拖

玉箴不動便門鎖水精眠

夢是何人欄藥日高紅髮髯飛香上雲春訴天雲

梯十二門九關輕身滅影何可望粉蛾帖成屏風
上

無題

何處哀箏隨急管櫻花永巷垂楊岸東家老女嫁
不售白日當天三月半溧陽公主年十四清明暖
後同墻看歸來展轉到五更梁間燕子聞長歎

七月二十八日夜與王鄭三秀才聽雨後夢
作

初夢龍宮寶焰燃瑞霞明麗滿晴天旋成醉倚蓬
萊樹有箇仙人拍我肩少頃遠聞吹細管聞聲不

見隔飛煙遼巡又過蕭湘雨雨打湘靈五十絃
見馮夷殊悵望鮫綃休賣海爲田亦逢毛女無慘
極龍伯擎將華岳蓮恍惚無疑明又暗低迷不已
斷還連覺來正是平階雨獨背寒燈枕手眠

偶成轉韻七十二句贈四同舍

沛國東風吹大澤蒲青柳碧春一色我來不見隆
準人漑酒空餘廟中客征東同舍鴛與鸞酒酣勸
我懸征鞍藍山寶肆不可入玉中仍是青琅玕武
威將軍使中俠少年箭道驚楊葉戰功高後數文
章怜我秋齋夢蝴蝶詰旦元門傳奏章高車大馬

來煌煌路逢鄒枚不暇揖臘月大雪過大梁憶昔
公爲會昌宰我時入謁虛懷待衆中賞我賦高堂
廻看屈宋猶年輩公事武皇爲鐵冠歷廳請我相
所難我時顛顚在書閣臥枕芸香春夜闌明年赴
辟下昭桂東郊慟哭辭兄弟韓公堆上阪馬時廻
望秦川樹如薺依稀南指陽臺雲鯉魚食釣猿失
群湘妃廟下已春盡虞帝城前初日曛謝游橋上
澄江館下望山城如一彈鷓鴣聲苦曉驚眠朱槿
花嬌晚相伴頃之失職辭南風破帆壞槳荆江中
斬蛟破壁不無意平生自許非忽忽歸來寂寞靈

臺下著破藍衫出無馬天官補吏府中趨玉骨瘦
來無一把手封狴牢屯制囚直廳印鎖黃昏愁平
明券帖使修表上賀嫫姚收賊州舊山萬仞青霞
外望見扶桑出東海愛君憂國去未能白道青松
了然在此時聞有燕昭臺挺身東望心眼開且吟
王粲從軍樂不賦淵明歸去來彭門十萬皆雄勇
首戴公恩若山重廷評日下握靈蛇書記眠時吞
綵鳳之子夫君鄭與裴何甥謝舅當世才青袍白
簡風流極碧沼紅蓮傾倒開我生麓踈不足數梁
父哀吟鴈鴒舞橫行濶視倚公憐狂來筆力如牛

弩借酒祝公千萬年吾徒禮分常周旋收旗臥鼓
相天子相門出相光青史

此在盧弘正徐州幕府所作通篇四句轉韻末

疊用二句轉韻以急節終之

安平公詩

自注故贈尚書韓氏按安平公疑卽五律中崔亮海也詩中意多

合而此稱韓姓似誤

丈人博陵王名家憐我總角稱才華華州留語曉
至暮高聲喝吏放兩衙明朝騎馬出城外送我習
業南山阿仲子延岳年十六面如白玉歌烏紗其
弟炳章猶兩州瑤林瓊樹含奇花陳留阮家諸姪
秀邈迤出拜何駢羅府中從事杜與李麟角虎翅

相過摩清詞孤韻有歌響擊觸鐘磬鳴環珂三月
石堤凍銷釋東風開花滿陽坡時禽得伴戲新木
其聲尖咽如鳴梭公時載酒領從事踴躍鞍馬來
相過仰看樓殿撮一作插清漢坐視世界如恒沙面

熱脚掉互登陟青雲表柱白雲崖一百八句在貝
葉三十三天長雨花長者子來輒獻蓋辟支佛去
空留鞞公時受詔鎮東魯遣我草詔隨車牙顧我
下筆卽千字疑我讀書傾五車嗚呼大賢苦不壽
時世方士無靈砂五月至止六月病遽頽泰山驚
逝波明年徒步弔京國宅破子毀哀如何西風衝

戶卷素帳隙光斜照舊燕窠古人常歎知己少况
我淪賤艱虞多如公之德世一二豈得無淚如黃
河灑膽呪願天有眼君子之澤方滂沱

代贈

楊柳路盡處芙蓉湖上頭雖同錦步障獨映鈿箜
篋鴛鴦可羨頭俱白飛去飛來煙雨秋

韓碑

元和天子神武姿彼何人哉軒與羲誓將上雪列
聖耻坐法宮中朝四夷淮西有賊五十載封狼生
驅驅生羆不據山河據平地長戈利矛日可麾帝

得聖相相曰度

晏子春秋仲尼聖相

賊所不死神扶持腰懸

相印作都統陰風慘淡天王旗懋武古道作牙爪

儀曹外郎載筆隨行軍司馬智且勇十四萬衆猶

虎貔入蔡縛賊獻太廟功無與讓恩不訾帝曰汝

度功第一汝從事愈宜爲辭愈拜稽首蹈且舞金

石刻畫臣能爲古者世稱大手筆此事不繫於職

司當仁自古有不讓言訖屢領天子願公退齋戒

坐小閣濡染大筆何淋漓點竄堯典舜典字塗改

清廟生民詩文成破體書在紙清晨再拜鋪丹輝

表曰臣愈昧死上詠神聖功書之碑碑高三丈字

如手

一作斗

負以靈鼈蟠以螭句奇語重喻者少讒

之天子言其私長繩百尺拽碑倒麓沙大石相磨
治公之斯文若元氣先時已人人肝脾湯盤孔鼎
有述作今無其器存其辭嗚呼聖皇及聖相相與
烜赫流淳熙公之斯文不示後曷與三五相攀追
願書萬本誦萬過口角流沫右手胝傳之七十有
二代以爲封禪玉檢明堂基

贈荷花

世間花葉不相倫花入金盆葉作塵惟有綠荷紅
菡萏卷舒開合任天真此花此葉長相映翠減紅

唐音韻鏡

卷之二十一

成

衰愁殺人

卷終

戊籤二李商隱之三

唐音統籤卷

五百六十五

五言律詩一

江南曲

郎船安兩槳
儂舸動雙橈
掃黛開宮額
裁裙約楚腰
秊期方積思
臨醉欲拚嬌
莫以採菱唱
欲羨秦臺簫

清夜怨

含淚坐春宵
聞君欲度遼
綠池荷葉嫩
紅砌杏花嬌
曙月當窓滿
征雲出塞遙
畫樓終日閉
清管爲誰調

楚宮

複壁交青鏤重簾挂紫繩如何一柱觀不礙九枝

燈扇薄常規

一作窺

月釵斜只鏤冰歌成猶未唱秦

火入夷陵

陳後宮

玄武開新苑龍舟燕幸頻渚蓮叅法駕沙鳥犯鈎

陳壽獻金莖露歌翻玉樹塵夜來江令醉別詔宿

臨春

陳後宮

茂苑城如畫闥門瓦欲流還依水光殿更起月華

樓侵夜鸞開鏡迎冬雉獻裘從臣皆半一作醉天

子止無愁

公子

一盞新羅酒凌晨恐易銷歸應衝鼓半去不待笙
調歌好唯愁和香穠豈惜飄春塲鋪艾帳下馬埴
媒嬌

少將

族亞齊安陸風高漢武威煙波別墅醉花月後門
歸青海聞傳箭天山報合圍一朝攜劍起上馬卽

如飛

一作馬上疾如飛

韓翃舍人卽事

萱草含丹粉荷花抱綠房
鳥應悲蜀帝蟬是怨齊王
通內藏珠府應官解玉坊
僑南荀令過十里送衣香

擬沈下賢

千二百輕鸞春衫瘦着寬
倚風行稍急含雪語應寒
帶火遺金斗兼珠碎玉盤
河陽看花過曾不聞潘安

自喜

自喜蝸牛舍兼容鸞子巢
綠筠遺粉籜紅藥綻香

苞虎過遙知弄魚來且佐庖慢行成酩酊鄰壁有
松醪

幽人

丹竈三年火蒼崖萬歲藤樵歸說逢虎碁罷正留
僧星斗同秦分人煙接漢陵東流清渭苦不盡照
衰興

卽日

小苑試春衣高樓倚暮暉天桃唯是笑舞蝶不空
飛赤嶺久無耗鴻門猶合圍幾家綠錦字含淚坐
鴛機

曉起

擬盃當曉起
呵鏡可微寒
隔箔山櫻熟
褰帷桂燭殘
書長爲報晚
夢好更尋難
影響輸雙蝶
偏過舊畹蘭

曉坐

一云後閣

後閣罷朝眠
前墀思黯然
梅應未假雪
柳自不勝煙
淚續淺深綆
腸迴高下絃
紅顏無定所
得失在當年

晚晴

深居俯夾城
春去夏猶清
天意憐幽草
人間重晚晴

晴併添高閣迥微注小窓明越鳥巢乾後歸飛體
更輕

春宵自遣

地勝遺塵事身閒念歲華晚晴風過竹深夜月當
花石亂知泉咽苔荒任徑斜陶然恃琴酒忘却在
山家

春深脫衣

睥睨江鴉集堂皇海燕過減衣憐蕙若展帳動煙
波日烈憂花甚風長柰柳何陳遵容易學身世醉
時多

訪秋

酒薄吹還醒樓危望已窮江皋當落日帆席見歸
風煙帶龍潭白霞分鳥道紅殷懃報秋意只是有
丹楓

秋日晚思

桐槿日零落雨餘方寂寥枕寒莊蝶去窓冷胤螢
銷取適琴將酒忘名牧與樵平生有游舊一一在
煙霄

壬申七夕

已駕七香車心心待曉霞風輕唯響珮日薄不嬌

花佳嫩傳香遠榆高送影斜成都過卜肆曾如識
靈槎

七夕偶題

寶婺搖珠珮嫦娥照玉輪靈歸天上正巧遺世間
人花果香千戶笙竽溢四鄰明朝曬犢鼻方信阮
郎貧

幽居冬暮

羽翼摧殘日郊園寂寞時曉雞驚樹雪寒鷺守冰
池急景倏云暮頽年寢已衰如何匡國分不與風
心期

所居

窓下尋書細溪邊坐石平
水風醒酒病霜日曝衣輕
雞黍隨人設蒲魚得地生
前賢不無謂容易卽遺名

小園獨酌

柳帶誰能結花房未肯開
空餘雙蝶舞竟絕一人來
半展龍鬚席輕斟瑪瑙杯
年年春不定虛信歲前梅

小桃園

竟日小桃園林寒亦未暄
坐鸛當酒重送客出墻

繁啼久艷粉薄舞多春雪翻猶憐未圓月先出照
黃昏

閒遊

危亭題竹粉曲沼嗅荷花數日同攜酒平明不在
家尋幽殊未極得句總堪誇強下西樓去西樓倚
暮霞

樂遊

春夢亂不記春原登已重青門弄煙柳紫閣舞雲
松拂硯輕冰散開樽綠酒濃無悰託詩遣吟罷更
無悰

春遊

橋峻斑駁疾川長白鳥高煙輕
唯潤柳風濫欲吹
桃徙倚三層閣摩挲七寶刀
庾郎年最少青草妬
春袍

屬疾

許靖猶羈宦安仁復悼亡
茲辰聊屬疾何日免殊
方秋蝶無端麗寒花更不香
多情真命薄容易卽
迴腸

石城

石城誇窈窕花縣更風流
簾冰

去聲

將飄枕簾烘不

隱鉤玉童收夜鑰金狄守更籌共笑鴛鴦綺鴛鴦
兩白頭

清河

舟小迴仍數樓危凭亦頻鸞來從及社蝶舞太侵
晨絳雪除煩後霜梅取味新年華無一事只是自
傷春

離思

氣盡前溪舞心酸子夜歌峽雲尋不得溝水欲如
何朔雁傳書絕湘篴染淚多無由一作因見顏色還
自託微波

向晚

當風橫去幙臨水卷空帷
北土鞦韆罷南朝被襖
歸花情羞脉脉柳意悵微微
莫歎佳期晚佳期自古稀

明日

天上參旗過人間燭焰銷
誰言整雙履便是隔三
橋知處黃金鑲曾來碧綺寮
凭欄明日意池濶雨蕭蕭

風雨

淒涼寶劍篇羈泊欲窮年
黃葉仍風雨青樓自管

絃新知遭薄俗舊好隔良緣心斷新豐酒銷愁斗
幾千

鸞鳳

舊鏡鸞何處衰桐鳳不棲金錢饒孔雀錦段落山
雞王子調清管天人降紫泥豈無雲路分相望不
應迷

哀箏

延頸全同鶴柔腸素怯猿湘波無限淚蜀魄有餘
冤輕憶長無道哀箏不出門何由問香柱翠幕自
黃昏

俳諧

短顧何由遂遲光且莫驚鷺能歌子夜蝶解舞宮
城柳訝眉傷淺桃猜粉太輕年華有情狀吾敢悵
生平

如有

如有瑤臺客相難復索歸芭蕉開綠扇菡萏薦紅
衣浦外傳光遠煙中結響微良宵一寸艷回首是
重幃

判春

爲二美判同價也
晦其旨故題云

一桃復一李井上占年芳笑處如臨鏡窺時不隱

墻敢言西子短誰覺宓妃長珠玉終相類同名作
夜光

晉昌晚歸馬上贈

西北朝天路登臨思上才城間煙草遍村暗雨雲
回人豈無端別猿應有意哀征南子更遠吟斷望
鄉臺

無題

含情春晚

院一作

晚暫見夜闌千樓響將登怯簾烘

欲過難多羞釵上鷺真愧鏡中鸞歸去橫塘曉華
星送寶鞍

無題

照梁初有情出水舊知名裙衩芙蓉小釵茸翡翠
輕錦長書鄭重眉細恨分明莫近彈碁局中心最
不平

自南山北歸經分水嶺

水急愁無地山深故有雲那通極目望又作斷腸
分鄭驛來雖及燕臺哭不聞猶餘遺意在許刻鎮
南勲

郭杜馬上念漢書

世上蒼龍種人間武帝孫小來唯射獵興罷得乾

坤渭水天開苑咸陽地獻原英靈殊未已丁傳漸
華軒

商於新開路

六百商於路崎嶇古共聞蜂房春欲暮虎穿日初
曠路向泉間辨人從樹杪分更誰開捷徑速擬上
青雲

陸發荆南始至商洛

昔去真無奈今還豈自知青辭木奴橘紫見地仙
芝四海秋風憫千巖暮景遲向來憂際會猶有五
湖期

寒食行次冷泉驛

歸途仍近節，旅宿倍思家。
獨夜三更月，空庭一樹花。
介山當驛秀，汾水遶關斜。
自怯春寒苦，那堪禁火賒。

淮陽路

荒村倚廢營，投宿旅魂驚。
斷雁高仍急，寒溪曉更清。
昔年嘗聚盜，此日頗分兵。
猜貳誰先致，三朝事始平。

九月於東逢雪

舉家忻共報秋雪，墮前峰嶺外他年憶。
於東此日

逢粒輕還自亂花薄未成重豈是驚離鬢應來洗
病容

江上

萬里風來地清江北望樓雲通梁苑路月帶楚城
秋刺字從漫滅歸途尚阻修前程更煙水吾道豈
淹留

楚澤

夕陽歸路後霜野物聲乾集鳥翻漁艇殘虹拂馬
鞍劉楨元抱病虞寄數辭官白袷經年卷西來又
早寒

桂林路中作

地暖無秋色江晴有暮暉
空餘蟬嘒嘒猶向客依
依村小犬相護沙平僧獨歸
欲成西北望又見鷗鷺飛

桂林

城窄山將壓江寬地共浮
東南通絕域西北有高樓
神護青楓岸龍移白石湫
殊鄉竟何禱簫鼓不曾休

昭郡

桂水春猶早昭川

一作州

日正西虎當官路關猿上

驛樓啼繩爛金沙井松乾乳洞梯鄉音吁可駭仍有醉如泥

異俗二首

自注時從事嶺南

鬼瘧朝朝避春寒夜夜添未驚雷破柱不報水齊簷虎箭侵膚毒魚鈎刺骨銛鳥言成謀詐多是恨形穢

戶盡懸秦網家多事越巫未曾容懶祭只是縱猪都點對連鰲餌搜求縛虎符賈生兼事鬼不信有洪爐

思賢頓

內殿張絃管中原絕鼓鼙舞成青海馬鬣殺汝南
雞不見華胥夢空聞下蔡迷宸襟他日淚薄暮望
賢西

街西池館

白閣他年別朱門此夜過疎簾留月魄珍簾接煙
波太守三刀夢將軍一箭歌國租容客旅香熟玉
山禾

城上

有客虛投筆無聊獨上城沙禽失侶遠江樹着陰
輕邊遽稽天討軍須竭地征賈生游刃極作賦又

論兵

北樓

春物豈相干人生只強歡
花猶曾歛夕酒竟不知
寒異域東風濕中華上
象寬此樓堪北望輕命倚
危欄

登霍山驛樓

廟列前峰迴樓開四望窮
嶺巖嵐色外陂雁夕陽
中弱柳千條露衰荷一向
風壺關有狂孽速繼老
生功

一向近本
改一面誤

西溪

月言集
近郭西溪好誰堪共酒壺苦吟防柳惺多淚怯楊
朱野鶴隨君子寒松揖大夫天涯長病意岑寂勝
歡娛

夜出西溪

東府憂春盡西溪許日曛月澄新漲水星見欲銷
雲柳好休傷別松高莫出群軍書雖倚馬猶未當
能文

子初全溪作

全溪不可到况復盡餘醅漢苑生春水昆池換劫
灰戰蒲知雁唼陂月覺魚來清興恭聞命言詩未

敢迴

北青蘿

殘陽西入崦茅屋訪孤僧落葉人何在寒雲路幾
層獨敲初夜磬閒倚一枝藤世界微塵裏吾寧愛
與憎

江村題壁

沙岸竹森森維舟聽越禽數家同老壽一逕自幽
深喜客嘗留榻應官說採金傾壺真得地愛日靜
霜砧

寓興

薄宦仍多病從知竟遠遊
譚諧叨客禮休辭接宴
搜樹好頻移榻雲奇不下樓
豈關無景物自是有
鄉愁

寓目

園桂懸心碧池蓮飫眼紅
此生真遠客幾別卽衰
翁小幌風煙入高窓霧雨通
新知他日好錦瑟傍
朱櫳

因書

絕徼南通棧孤城北枕江
猿聲連月檻鳥影落天
窓海石分碁子郢筒當酒
缸生歸話辛苦別夜對

凝缸

卽日

村林聞舊說曾不異炎方

自注宋考功有
小長安之句也

山響匡

床語花飄度臘香幾時逢雁足着處斷猿腸獨撫
青青桂臨城憶雪霜

涼思

客去波平檻蟬休露滿枝永懷當此際

一作節

倚立

自移時北斗兼春遠南陵寓使遲天涯占夢數疑
誤有新知

夜飲

卜夜容衰髻開筵屬異方燭分歌扇淚雨送酒船
香江海三年客乾坤百戰場誰能辭醅酹淹臥劇
清漳

思歸

固有樓堪倚能無酒可傾嶺雲春沮洳江月夜晴
明魚亂書何託猿哀夢易驚舊居連上苑時節正
遷鶯

歸來

舊隱無何別歸來始更悲難尋白道士不見惠禪
師草遶蟲鳴急沙渠水下遲却將波浪眼清曉對

紅梨

歸墅

行李踰南極旬時到舊鄉
楚芝應徧紫鄧橘未全
黃渠濁村春急旗高社酒香
故山歸夢喜先入讀書堂

龍丘途中

漢苑殘花別吳江盛夏來
惟看萬樹合不見一枝開
水色饒湘浦灘聲怯建溪
淚流迴月上可得更猿啼

卷終

戊籤二李商隱之四

唐音統籤卷

五百六十六

五言律詩二

裴明府居止

愛君茅屋下向晚水溶溶
試墨書新竹張琴和古
松坐來聞好鳥歸去度
疎鐘明日還相見橋南
貰酒釀

題鄭大有隱居

結構倚峰是喧閒此地分
石梁高瀉月樵路細侵
雲僵臥蛟螭室希夷鳥
獸群近知西嶺上玉管
有

詩聞

自注君居近王
子晉聽鶴臺

題李上暮壁

舊著思玄賦新編雜擬詩江庭猶近別山舍得幽
期歛割周顒韭肥烹鮑照葵鮑聞南燭酒仍及撥
醅時

訪隱

路到層峰斷門依老樹開月從平楚轉泉自上方
來薤白羅朝饌松黃暖夜杯相留笑孫綽空解賦
天台

過姚孝子廬偶書

拱木臨周道荒廬積古苔魚因感姜出鶴爲弔陶

來兩鬢蓬常亂雙眸血不開聖朝敦爾類非獨路
人哀

河清與趙氏昆季讌集得擬杜工部

勝槩殊江右佳名逼渭川虹收青嶂雨鳥沒夕陽
天客鬢行如此滄波坐眇然此中真得地漂蕩釣
魚船

五六一作歲月行如此江湖坐
眇然朱弁云真是老杜語也

江亭散席循柳路吟歸官舍

春詠敢輕裁銜辭入半盃已遭江映柳更被雪藏
梅寡和真徒爾殷憂動卽來從詩得何報唯看二
毛催

離席

出宿金樽掩從公玉帳新依依向餘照遠遠隔芳
塵細草翻驚雁殘花伴醉人楊朱不用勸只是更
沾巾

壽安公主出降

媯水聞貞媛常山索銳師昔憂迷帝力今分送王
姬事等和強虜恩殊睦本枝四郊多壘在此禮恐
無時

喜舍弟義叟及第上禮部魏公

國以斯文重公仍內署來風標森太華星象逼中

台朝滿遷駕侶門多吐鳳才寧同魯司寇唯鑄一
顏回

楊本勝說於長安見小男阿袞

本勝與商隱同在柳仲郢

幕府商隱稱其賢而文見樊南乙集序

聞君來日下見我最嬌兒漸大啼應數長貧學恐
遲寄人龍種瘦失母鳳雛癡語罷休邊角青燈兩
鬢絲

懷求古翁

何時粉署仙傲兀逐戎旃關塞猶傳箭江湖莫繫
船欲收碁子醉竟把釣車眠謝眺真堪憶多才不

月
忌前

有懷在蒙飛卿

薄宦頻移疾當年久索居
哀同庾開府瘦極沈尚
書城綠新陰遠江清返
照虛所思惟翰墨從古待
雙魚

五月六日夜憶往歲秋與澈師同宿

紫閣相逢處丹巖記宿時
墮蟬翻敗葉棲鳥定寒
枝萬里飄流遠三年問訊
遲炎方憶初地頻夢碧
琉璃

崔處士

真人塞其內夫子入於機未肯投竿起唯歎負米
歸雪中東郭履堂上老萊衣讀徧先賢傳如君事
者稀

令狐舍人說昨夜西掖翫月因戲贈

昨夜玉輪明傳聞近太清涼波衝碧瓦曉暈落金
莖露索秦宮井風絃漢殿筆幾時絲竹頌擬薦子
虛名

贈子直花下

池光忽隱牆花氣亂侵房屏緣蝶留粉窓油峰印
黃官書推小吏侍史從清郎並馬更吟去尋思有

底忙

贈宗魯叩竹杖

大夏資輕策全溪贈所思
靜憐穿樹遠滑想過苔
遲鶴怨朝還望僧開幕
有期風流真底事常欲傍
清羸

明禪師院酬從兄見寄

貞客嫌茲世會心馳本源
人非四禪縛地絕一塵
喧霜露欹高木星河墮
故園斯游儻爲勝九折幸
廻軒

獻寄舊府開封公

幕府三年遠春秋一字褒書論秦逐客賦續楚離騷
地理南溟濶天文北極高酬恩撫身世未覺勝鴻毛

過故崔亮海宅與崔明秀才話舊因寄舊僚

杜趙李三掾

杜勝趙哲判官李藩文使崔安平公所薦用商隱有撰表

絳帳恩如昨烏衣事莫尋諸生空會葬舊掾已華簪
其入留賓驛俱分市駿金莫憑無鬼論終負託孤心

寄和水部馬郎中題興德驛時昭義已平

仙郎倦去心鄭驛蹙登臨水色瀟湘濶沙程朔漠

深鷁舟時往復鷗鳥恣浮沉更想逢歸馬悠悠在
樹陰

迎寄韓魯州詹同年

積雨晚騷騷相思正鬱陶不知人萬里時有鸞雙

高寇盜纏三輔

自注時典元賊起三川兵出

梅苔滑百牢聖朝

推衛霍歸日動仙曹

送豐都李尉

萬古商於地憑君泣路岐固難尋綺季可得信張
儀雨氣燕先覺葉陰蟬遽知望鄉尤忌晚山晚更
參差

寄羅劭興

棠棣黃花發忘憂碧葉齊
人間微病酒驚重遠嗟
泥混沌何由鑿青冥未有梯
高陽舊徒侶時復一
相携

寄裴衡

別地蕭條極如何更獨來
秋應爲紅葉雨不厭青
苔沈約只能瘦潘仁豈是才
離情堪底寄惟有冷
於灰

寄華嶽孫逸人

靈嶽幾千仞老松逾百尋
攀崖仍躡壁嗽葉復眠

陰海上呼三岳齋中戲五禽唯應逢阮籍長嘯作
鸞音

奉寄安國大師兼簡子蒙

憶奉蓮花坐兼聞貝葉經巖光分蠟屐澗響入銅
餅日下徒推鶴天涯正對螢魚山羨曹植眷屬有
文星

昭肅皇帝挽歌辭三首

九縣懷雄武三靈仰睿文周王傳叔父漢后重神
君玉律朝驚露金莖夜切雲笳笙淒欲斷無復詠
橫汾

玉塞驚宵柝金橋罷舉烽始巢阿閣鳳旋駕鼎湖
龍門咽通神鼓樓凝警夜鐘小臣觀吉從猶誤欲
東封

莫驗昭華琯虛傳甲帳神海迷求藥使雪隔獻桃
人桂寢青雲斷松扉白露新萬方同象鳥舉動滿
秋塵

撰彭陽公誌文畢有感

延陵留表墓峴首送沉碑敢伐不加點猶當無媿
辭百生終莫報九死諒難追待得生金後川原亦
幾移

故番禺侯以賊罪致不辜事覺他日過其門
飲鴆非君命茲身亦厚亡江陵從種橘交廣合投
香不見千金子空餘數仞牆教人須顯戮誰舉漢
三章

哭劉司戶贊

路有論冤謫言皆在中興空聞遷賈誼不待相孫
弘江濶唯迴首天高但撫膺去年相送地春雪滿
黃陵

又二首

離居星歲易失望死生分酒甕凝餘桂書籤冷舊

芸江風吹雁急山木帶蟬嘯一叫千迴首天高不
爲聞

有美扶皇運無誰薦直言已爲秦逐客復作楚冤
冤益浦應分派荆江有會源併將添恨淚一灑問
乾坤

聞著明凶問哭寄飛卿

昔歎讒銷骨今傷淚滿膺空餘雙玉劍無復一壺
冰江勢翻銀礫一作漢天文露玉繩何因攜庾信同

去哭徐陵

月

池上與橋邊難忘復可憐
簾開最明夜簾卷已涼
天流處水花急吐時雲
葉鮮姮娥無粉黛只是
遲嬋娟

風

迴拂來鴻急斜催別鷺高
已寒休慘澹更遠尚呼
號楚色分西塞夷音接
下牢歸舟天外有一爲
戒波濤

詠雲

捧月三更斷藏星七夕明
纔開飄迴路旋見隔重
城潭暮隨龍起河秋壓
雁聲只應睢宋玉知是
楚

神名

雨

撼撼度瓜園依依傍竹軒秋池不自冷風葉共成
喧窓迥有時見簷高相續翻侵宵送書雁應爲稻
梁恩

細雨

瀟灑傍迴汀依微過短亭氣涼先動竹點細未開
萍稍促高高鷺微踈的的螢故園煙草色仍近五
門青

高松

高松出衆木伴我向天涯客散初晴後僧來不語
時有風傳雅韻無雪試幽姿上藥終相待他年訪
伏龜

柳

章臺從掩映郢路更參差見說風流極來當婀娜
時橋廻行欲斷堤遠意相隨忍放花如雪青樓撲
酒旗

柳

動春何限葉撼曉幾多枝解有相思否應無不舞
時絮飛藏皓蝶帶弱露黃鸝傾國宜通體誰來獨

賞眉

垂柳

娉婷小苑中婀娜曲池東
朝佩皆垂地仙衣盡帶風
七賢寧占竹三品且饒松
腸斷靈和殿先皇玉座空

謔柳

已帶黃金縷仍飛白玉花
長時須拂馬密處少藏鴉
眉細從他歛腰輕莫自斜
玳梁誰道好偏擬映盧家

十一月中旬至扶風見梅花

月一
匝路亭亭艷非時裊裊香薰娥唯與月青女不饒
霜贈遠虛盈手傷離適斷腸爲誰成早秀不待作
年芳

李花

李逕獨來數愁情相與慙自明無月夜強笑欲風
天減粉與園籜分香沾渚蓮徐妃久已嫁猶自玉
爲鈿

子直晉昌李花得分字

吳館何時熨秦臺幾夜薰綃輕誰解卷香異自先
聞月裏誰無姊雲中亦有君罇前見飄蕩愁極客

襟分

深樹見一顆櫻桃尚在

高枝留晚實尋得小庭南矮墮綠雲髻歎危紅玉
簪惜堪充鳳實痛已被鶯含越鳥誇香荔齊名亦
未甘

槿花二首

鶯體傷風力雞香積露文殷鮮一相襍啼笑兩難
分月裏寧無姊雲中亦有君三清與仙島何事亦
離群

珠館薰燃久玉房梳掃餘燒蘭才作燭襞錦不成

書本以亭亭遠翻嫌脉脉踈迴頭問殘照殘照更
空虛

朱槿花二首

蓮後紅何患梅先白莫誇纔飛建章火又落赤城
霞不卷錦步鄣未登油壁車日西相對罷休澣向
天涯

勇多侵露去恨有礙燈還嗅自微微白看成沓沓
殷坐忘疑物外歸去有簾間君問傷春句千辭不
可刪

牡丹

壓逕復緣溝當窓又映樓終銷一國破不啻萬金
求鸞鳳戲三島神仙居十洲應憐萱草淡却得號
忘憂

僧院牡丹

葉薄風才倚枝輕霧不勝開先如避客色淺爲依
僧粉壁正蕩水細幃初卷燈傾城唯待笑要裂幾
多繒

荷花

都無色可並不柰此香何瑤席乘涼設金羈落晚
過迴衿燈照綺渡襪水沾羅預想前秋別離居夢

權歌

菊

暗暗淡淡紫融融冶冶黃陶令籬邊色羅含宅裏
香幾時禁重露寔是怯殘陽願泛金鸚鵡昇君白
玉堂

落花

高閣客竟去小園花亂飛參差連曲陌迢遞送斜
暉腸斷未忍掃眼穿仍欲稀芳心向春盡所得是
沾衣

和張秀才落花有感

晴暖感餘芳紅苞雜絳房落時猶自舞掃後更聞
香夢罷收羅薦仙歸勅玉箱迴腸九迴後猶有剩
迴腸

北禽

爲戀巴江暖無辭瘴霧蒸縱能朝杜宇可得值蒼
鷹石小虛填海蘆鉅未破矧知來有乾鵲何不向

雕陵

此必東川幕府不
得意寄托之詩

越鷺二首

上國社方見此鄉秋不歸爲矜皇后舞猶着羽人
衣拂水斜紋亂銜花片影微盧家文杏好試近莫

愁飛

將泥紅蓼岸得草綠楊村命侶添新意安巢復舊
痕去應逢阿母來莫望孫記取山嵐今爲百
鳥尊

洞庭魚

洞庭魚可拾不假更垂罾
閣若雨前蟻多於秋後
蠅豈思鱗作簞仍計腹爲燈
浩蕩天池路翱翔欲
化鵬

蝶

飛來繡戶陰穿過
畫樓深重傳秦臺粉輕塗漢殿

金相兼唯柳絮所得是花心可要凌孤客邀爲子
夜吟

蝶

初來小苑中稍與瑣闌通遠恐芳塵斷輕憂艷雪
融只知防浩露不覺逆尖風迴首雙飛燕乘時入
綺櫳

蝶

葉葉復翻翻斜橋對側門蘆花唯有白柳絮可能
溫西子尋遺殿昭君覓故村年年芳物盡來別敗
蘭蓀

蟬

本以高難飽徒勞恨費聲五更疎欲斷一樹碧無
情薄宦梗猶泛故園蕪已平煩君最相警我亦舉
家清

蠅蝶雞麝鸞鳳等成篇

韓蝶翻羅幕曹蠅拂綺窓
鬪雞迴玉勒融麝暖金缸
玳瑁明書閣琉璃冰酒缸
畫樓多有主鸞鳳各雙雙

五言小律

無題

近知名阿侯住處小江流腰細不成舞眉長唯是
愁黃金堪作屋何不作重樓

效長吉

長長漢殿眉窄窄楚宮衣鏡好鸞空舞簾疎燕誤
飛君王不可問昨夜約黃歸